

衛輝府志

衛輝府志卷二十八

人物

名宦^上

漢

吾邱壽王字子戇趙人也從董仲舒受春秋高材明通遷侍中中郎會東郡盜賊起拜爲東郡都尉上以壽王爲都尉不復置太守詔賜璽書有云子知畧輻湊天下少雙海內寡二後徵入爲光祿大夫侍中

嚴彭祖字公子東海下邳人也嘗受學於陸孟由是顯門教授宣帝時拜爲博士出守東郡入爲左馮翊遷太子太

衛輝府志

卷二十八

名宦

一

傅廉直不事權貴

焦延壽字贛梁人貧賤好學元帝時爲郡吏察舉補小黃令以伺候先知姦邪盜賊不得發愛養吏民化行縣中舉最當遷三老官屬上書願留有詔許增秩留卒小黃所著有易林傳于世祀名宦

王尊字子贛涿郡高陽人爲東平王相後遷東郡太守河水盛溢泛浸瓠子堤老幼奔走恐水大決爲患尊率吏民投沉白馬祠水神河伯尊親執圭璧使巫策祝請以身填金堤因止宿廬居堤上吏民數千萬人爭叩頭救之尊不肯去及水盛堤壞吏民皆奔走惟一主簿泣在尊旁立不

動而水波稍却迺還吏民嘉壯尊之勇節

等奏其狀下有司考皆如言詔秩尊二千石加賜黃金二十斤數歲民立河侯祠祀之

韓延壽字長公燕人也初爲諫議大夫歷淮陽潁川守治甚有名數年遷爲東郡太守上禮義好古教化所至必聘其賢士以禮待用在郡三歲令行禁止爲天下最

陳咸字子康沛郡相人也元帝時爲御史中丞成帝初擢東郡太守京兆尹王章譏切大臣惟稱咸可爲御史大夫翟方進字子威汝南上蔡人也成帝時擢爲東郡太守後爲丞相號爲明通相

衛輝府志

卷二十八

名宦

二

翟義字文仲方進少子也常爲宏農河南太守青州牧所居著名有父風烈徙爲東郡太守數歲平帝崩王莽居攝義心惡之乃謂姊子上蔡陳豐曰吾幸備宰相子身居大郡父子受漢厚恩義當爲國討賊以安社稷設令時命不成死國埋名猶可以不慚於先帝乃肯從我乎豐年十八勇壯許諾義遂與東郡都尉劉守等結謀共主漢宗室嚴侯劉信爲天子移檄郡國言莽鳩殺平帝矯攝尊號今天子已立共行天討郡國皆震比至山陽衆十餘萬莽聞之惶不能食乃依周書作大誥以欺其衆義衆潰不克而死張酺字孟侯汝南人趙王張敖之後也以尙書授皇太子

每侍講數有匡正之辭以嚴見憚出爲東郡太守下車搏擊豪強郡吏王青世死節醜乃上疏薦之帝稱其諫正出於誠心有史魚之風後拜司徒

魯丕字叔陵魯恭弟也永安二年遷東郡太守能修灌溉百姓殷富數薦幽隱名士王龔等皆備帷幄近臣後爲侍中左中郎將

耿純字伯由鉅鹿人守東郡數月盜賊清寧居四年坐免後濟陰盜起帝遣將擊之以純威信著於衛地詔拜大中大夫使與大兵會於東郡盜聞其來九千餘人皆詣純降大兵不戰而還璽書復以純爲東郡太守吏民悅服

衛輝府志

卷二十八

名宦

三

虞詡字升卿陳國武平人安帝時朝歌盜寧季等數千人攻掠屯聚連年不能禁大爲民患詡爲朝歌長人咸弔焉詡曰不遇盤根錯節無以別利器至則設三科以募壯士得百餘人使人賊中誘令劫掠乃伏兵以待之殺賊數百又潛遣貧人能縫者傭作賊衣以紅線逢其裾爲識有出市者輒擒之賊由是駭散咸稱神明鄧太后臨朝以詡有將相之畧使征叛羗遷武都太守詡日夜進道令士卒作兩竈日增一倍羗不敢逼後大破之永和初遷尚書令入名宦

崔瑗字子玉涿郡安平人順帝時舉茂才授汲令在任數

言便宜事教民開稻田數百頃爲政七年教化大 百姓
歌之曰天降神明君賜我仁慈父安帝初大司農胡廣少
府竇章共薦瑗宿德大儒從政有績不宜久在下位遷濟
北相後至尚書令卒留葬洛陽

桓 字始春沛郡龍亢人少立操行四十不仕桓帝時爲
汲令甚有名績後徵拜議郎

應融漢安帝時爲汲令時中山祝恬公車徵用在道得病
至汲沉困無醫藥融聞之驚愕徑詣旅舍躬自御之以歸
手爲丸藥身自分熱恬病加劣爲制衣棺送終之具月餘
病漸瘳比愈置酒酣晏贈以車馬乃別恬後至司隸薦融

衛輝府志

卷二十八

名宦

四

爲太守歷典五郡名冠遠近

劉熊字孟陽洛西人光武裔孫俞綿侯之季也爲政張弛
適宜寬嚴相濟五典愼徽六事修舉遠近莫不悅服貧富
各得其所去任之後士思於學校農思於畝畝商賈思於
市行旅思於途吏民愛若慈母畏若神明詳見中郎蔡邕
所撰碑文祀名宦

黃香江夏安陸人累遷尚書令出爲東郡太守因上疏乞
留宿衛和帝惜其幹用復留之增秩二千石賜錢三十萬
李雲字行祖甘陵人性好學善陰陽初舉孝廉再遷 馬
令桓帝時中常侍單超等以誅梁冀功封五侯專權用事

異頻見雲乃露布上書畧曰帝者諦也言審諦於物也
官位錯亂小人諂進財貨公行政化日損是帝欲不諦
乎奏入帝大怒送黃門北寺獄考治時宏農五官掾杜衆
傷之上書願與雲同日死帝愈怒並下獄

王奐字稚子廣陵人敦儒學習尚書以太守陳寵功曹當
職遷考城令律身剛方政尚嚴猛聞邑人仇覽以德化陳
元署爲主簿奐尋遷洛陽令卒桓帝錄其子石爲郎中入
名宦祠

周舉字宣光汝陽人幼博學洽聞爲儒者所宗延禧間辟
司徒後舉茂才爲平邱令屢上書言當代得失辭甚切直

衛輝府志

卷二十八

名宦

五

遷并州刺史後左雄薦舉徵拜尚書舉又上書勸上順四
時節陰陽遠邪佞錄忠貞已而復定廟次典禮止北鄉之
謚却梁商之燕卒遷諫議光祿大夫及卒上嘉舉清公直
亮深痛惜之詔曰舉性侷夷魚忠踰隨管子錄乃勲用登
九列賜金錢十萬以旌之入名宦祠

臧洪字子淵廣陵射陽人初爲張超功曹甚相知遇後袁
紹以爲東郡太守時曹操圍張超於雍邱甚急洪徒跣號
泣將赴其難自以勢弱從紹請兵紹不聽超城陷洪由是
怨紹絕不與通紹興兵圍之歷年洪仗義死守吏士莫肯
離叛食盡城陷紹執洪欲殺之洪邑人陳容爲東郡丞

洪當死趨謂紹曰將軍舉大事欲爲天下除暴而乃忠義豈合天意小人今日寧與臧洪同死不與將軍同生也遂復見殺在紹坐者無不嘆息曰何以一日殺二烈士三國魏

鄭袤字林叔開封人武帝初封諸子爲侯精選賓友袤爲臨淄侯文學遷尙書郎 爲黎陽令吏民悅服太守班下屬縣特見甄異爲諸縣最

韓宣字景然渤海人黃初中爲東郡太守當官在能否之間善 恕人爲鴻臚與前大鴻臚韓暨相先後諺曰大鴻臚小鴻臚前後 行曷相如

衛輝府志

卷二十八

名宦

六

羊茂字秀實爲東郡太守冬月坐白羊皮夏月坐一榆木床出界買鹽鼓食之

晉

王宏字正宗高平人泰始初爲汲郡太守撫百姓如家人耕桑樹藝屋宇阡陌莫不躬自教示曲盡事宜司隸石鑿上共政術武帝下詔褒之賜穀千斛布告天下南尹大司農太康中爲司隸校尉後遷尙書

喬智明字元達鮮卑前部人成都王穎表爲共縣令有政縣人愛之號爲神君

鄭默字思元開封人袤之子守東郡值歲荒輒開倉

給乃舍都亭自表待罪朝廷嘉默憂國詔書褒美比之汲黯頒告天下

郗隆字宏始蹇亮有匪躬之節初爲尚書卽轉左丞在朝爲百僚所憚後補東郡太守政聲甚著

南北朝

明亮字文德平原高昌人魏宣武時爲汲郡太守性方厚有識幹清白愛民有惠政及卒吏民咸追思之

鄭述祖魏殷州刺史有惠政風檢尤爲衆所稱譽

高祐渤海人孝文時爲秘書令問曰何以止盜對曰昔宋均立德猛虎渡河卓茂行政蝗不入境况賊盜人也治化

衛輝府志

卷二十八

名宦

七

有方止之易矣孝文善之出鎮滑臺乃縣立講學黨立小學政教大布焉

孟業字敬業鉅鹿安國人皇建初守東郡以寬惠著名是年有麥一莖五穗或三穗四穗者咸以爲政化所感至秋復有嘉禾一莖九穗者河清三年勅民間養驢催買甚切業權出庫錢貸人取辦後爲憲司所劾被攝之日人皆攀轅號泣悲動行路乃放還郡中父老皆叩泣迎之後爲廣平太守

房超爲黎陽太守趙道德以事屬之超不發書稽殺其使齊王善之命守宰各置楛以誅屬請之使

石曜字白曜中山安喜人以儒學進居官清儉武平中爲
黎陽太守值斛律武都出爲兗州刺史武都卽丞相武陽
王世子皇后之姪甚貪暴先過衛縣命丞以下斂絹數千
疋以遺之及至黎陽命左右諷動曜治下縣官曜手持一
絹謂武都曰此是老妻機杼聊以奉贈自此外並須出於
吏民吏民之物一毫不敢犯武都知曜清素純儒笑而不
責著有石子十卷後終譙州刺史

隋

郎茂字蔚之新市人高祖時爲衛州司隸有能名尋除衛
國令時有繫囚二百茂親究審數日釋免者百餘人歷年

衛輝府志

卷二十八

名宦

八

詞訟不詣州省衛州刺史元暉謂茂曰長史言衛民不敢
申訴者畏明府耳茂進曰民猶水也法令爲隄防隄防不
周必致奔突苟無決溢使君何患哉暉無以應

樂運字承業任獲嘉令以德化民錄夏商以來爭諫事曰
諫苑以聞上嘉之

唐

崔珏字子玉祁州人貞觀十二年舉孝廉爲衛縣令頗有
惠政嘗值河水暴泛浸沒民田公設祭河上爲文祝之水
遂漸息民感其惠作歌頌之立祠以祀今淇縣東西岡村
府君廟其生祠也入名宦

曹懷節唐初任共城令辛怡諫撰百泉陂銘稱其爲愷悌君子民之父母趙澄又謂其共城第一令其必有足徵者徐勣字懋功曹州離狐人隋末爲李密守黎陽密降唐勣謂長吏郭孝恪曰人衆上宇皆李公有也吾若獻之是利主之敗爲已功吾所不爲乃錄土地戶口啟密請自上之唐主以爲純臣賜姓李詔授黎陽總管後封英國公

李元嘉高祖第十一子少好學藏書至萬卷皆以古文字參定同異貞觀九年更封韓遷滑州都督

王及善洛州邯鄲人以父君愕征遼死於陣授朝散大夫襲邢國公以益州長史致仕會契丹作亂山東皆震復爲

衛輝府志

卷二十八

名宦

九

滑州刺史武后召見問以朝政得失因陳治亂之要百餘條后悅留拜內史

李邕字太和揚州人武后時中丞宋璟劾張昌宗等反狀后不應邕正色大言曰璟所陳社稷大計當聽后乃可奏中宗立鄭普恩等以妖術惑上邕疏曰堯舜稱聖者不聞以鬼神道治天下詞甚激切上不納後爲滑州刺史明皇勅高力士賜宴餞行至滑創建州治百墜具舉竟讒於衆口下吏當死布衣孔彰邕妻温氏願代之獲免

敬暉字仲華絳州平陽人聖歷初爲衛州刺史時河北經突厥所騷方秋諸州爭發民繕城暉曰金湯非粟不守奈

何捨收穫而事城湟哉縱民歸斂闔部利安遷夏官侍郎
孔若思越州山陰人舉明經中宗朝以禮部侍郎出爲衛
州刺史故事以宗室爲州別駕見刺史驚放不肯致恭若
思劾奏之有詔別駕見刺史致恭自若思始以清白擢銀
青光祿大夫

徐彥伯名洪以字行兗州瑕邱人七歲能文中宗時爲衛
州刺史有善政狀聞賜璽書嘉勞後上南郊賦擢修文館
學士歷官工部侍郎太子賓客

陸瓌字仲采吳人舉明經補長安尉以清幹稱開元初年
中朝子弟不任京畿改授新邑令廉直有惠政邑人爲立

衛輝府志

卷二十八

名宦

十

祠以按察使宇文融薦遷澠池合

李頎東川人進士開元時爲新鄉縣尉文章政事見稱于
時有詩集傳于世

杜閑襄陽人學士審言子工部員外郎甫父也開元中爲
獲嘉令有善政後遷奉天令

丁三寓黎陽令王維滑州隔河望黎陽憶丁三寓詩賴有政
聲遠時聞行路傳

潘好禮貝州宗城人開元初爲邠王府長史王爲滑州刺
史好禮兼府司馬知州事王每游觀好禮必諫農 王出
獵好禮遮道諫王初不許乃卧馬下呼曰今農在田王

得非時暴禾稼以損下人要先踐殺司馬然後聽王所爲
王慚而還

賈耽字敦詩滄州南皮人天寶中舉明經由東郡留守遷
義成節度使能以信義服人淄青李納陰蓄奸謀冀有以
逞其兵數千自行營還道出滑請館於外耽曰與我隣道
奈何疑之使暴於野命館城中納士皆心服耽每畋獵從
數百騎往往入納境納大喜然敬畏其德不敢謀貞元九
年以尚書右僕射同平章事卒好觀書老益勤尤悉地理
滑民立祠祀之

高適字達夫一字仲武滄州人元宗時爲封邱令少客梁

衛輝府志

卷二十八

名宦

十一

宋間與杜甫李白相友善皆盛唐作者爲詩詞簡而意味
深長嘗咏吹臺上御史毛伯溫爲記有集十卷行於世適
高尚節義語王道滾滾不厭後舉有道 官節度使人爲侍
郎擢諫議大夫負氣敢言權近側目人皆敬憚之廣德中
任散騎常侍封渤海侯入名宦祠

姚南仲華州下邳人以陝虢觀察使拜義成軍節度使監
軍薛盈珍恃權毀之復遣小吏程務盈誣表以罪會南仲
裨將曹文洽入奏聞知其語晨夜追至長樂驛及之夜殺
務盈投其表於厠爲書二一抵南仲一白南仲寃且自言
殺務盈狀乃自殺驛吏以 帝駭異南仲不自安 久

朝帝勞曰盈珍撓卿政邪曰不撓臣政臣隳陛下法耳帝默然乃授尚書右僕射南仲居官簡易吏民悅服李勉鄭惠王元懿曾孫令狐彰表進滑臺節度使居鎮八年以舊德方重不威而治

白鏗字士鍾白公之後太原人嘗爲酸棗令有善政本道節度使令狐彰重之表充滑臺節度叅謀軍府之要多諮度焉居歲餘嘗規彰之失不聽因爲書移彰不辭而去令狐彰富平人代宗時爲滑濮節度使時滑當寇衝城邑墟榛彰躬訓吏士檢軍力農法令嚴肅無敢犯者田疇大闢庫帑盈餘時藩鎮跋扈惟彰供賦如期歲遣兵三千詣京西防秋皆自齎糧食不受供餽道路所過秋毫不犯後進檢校右僕射母喪失明卒方疾亟表薦劉晏李勉自代代宗得表咨悼下詔褒美其門閭贈太傅

衛輝府志

卷二十八

名宦

十二

孔幾字君嚴宣聖三十八世孫擢進士滑臺節度使盧群辟爲判官群卒幾總攝留務監軍楊志謙雅自肆衆皆恐幾邀志謙至府與對榻卧起示不疑志謙嚴憚不敢動後累官嶺南節度使召改右散騎常侍還爲左丞以禮部尚書致仕

薛平字坦途絳州龍門人仁貴曾孫王師討蔡由左龍武大將軍授鄭滑節度使帝制曰門下武牢以東至於白馬

策卒能平定上制云惟茲滑臺眷彼雄鎮有二郡蕃庶之
殷其人勁而剛有三軍制節之重其士毅以肅勉持忠孝
以保家邦褒 極隆當時榮之

高承簡渤海人穆宗時爲義成軍節 威惠交茂士民

德之於是有御史李忠耆民緇黃等五百餘人奏請立碑
上稱其 洪河之險當白馬之津文武叅用農戰兼修人

俗載安軍政斯理遣書加問眷禮莫比仍勅翰林學士崔

鄆撰德政碑

李憲衛州刺史甚有治行爲世所稱

五代

衛輝府志

卷二十八

名宦

十五

王彥 鄆州壽張人驍勇有力能跣足履棘行百步持一
鐵鎗乘騎馳突奮迅如飛軍中號王鐵鎗梁帝以彥章爲
宣義軍節度使是時晉已盡有河北以鐵鎖斷德勝口築
河南北兩城號曰夾塞帝召彥章爲招討使問破敵之期
彥章對曰三日左右皆失笑彥章受命而出馳兩日至滑
州置酒大會遣人具舟於楊村命甲士六百皆持長斧載
冶者具鞴炭乘流而下彥章引精兵數千沿河以趨德勝
舟兵舉鎖燒斷之因以巨斧斬浮橋彥章引兵急擊南
浮橋斷南城遂破蓋三日矣

史匡翰建塘之子爲義成軍節度使所至民兵稱慕史

將而匡 好讀書與學者講論終日無倦 穀爲作
碑有云懷 之心行有餘力蘊飛 不能言
積財而但富藏書不憂家而惟思報國求諸時彥罕有
倫焉

郭進博野人後周顯德初爲衛州刺史時魏趙邢洺間多
亡命以汲郡依山帶河易爲出沒伺間標掠吏捕之輒遁
去累歲不能絕其黨類進備知其狀因設計發摘之數月
間剪滅無餘盜遂屏息民得安居事聞世宗特加旌賞勅
杜 序其事勒碑郡治

宋

衛輝府志

卷二十八

名宦

十六

陳貫字仲通相州安陽人舉進士真宗識貫擢 高第知
衛州督察盜賊 戢不肖子弟簿書筦庫賦租出入皆自
檢覈嘗謂寮屬曰視縣官物如已物容有奸乎州人憚其
嚴擢利州路轉運使

張岐崇安縣人登端拱二年進士調延邑尉治行第一歷
授大理寺評事遷司直治獄如神深爲真宗識擢屢出諸
路決疑獄遷將作監丞後改秘書丞知瓊州兼刺崖州
陳堯佐字希元 州人天禧中河決堤壞起知滑州晝夜
督役造木龍以殺水勢堤始得成又築長堤以護其外人
呼爲陳公堤

歐陽修廬陵人慶歷初爲滑州通判秉正恤下敷文率義滑人德之後爲翰林學士拜叅知政事其子憲爲韋城主簿

陳希亮字公弼眉州青神人皇祐五年守滑會河溢魚池埽希亮悉召河上使者發禁兵捍之而自廬於當決之處吏民泣涕更諫希亮堅卧不動水亦漸去人比之王尊後子恪爲滑州推官

李復珪字審言年二十八知滑州與郡官夜燕會有牙兵奪銀匠鐵鎚殺人一府皆驚珪命捕至立斬之上章奏聞諸司按其擅殺仁宗曰復珪將帥才也除知慶州邵堯夫

衛輝府志

卷二十八

名宦

十七

稱其臨事有斷頗以才高見忌於時

張方平字安道宋城人明道中知滑州時三司使王拱辰請權河北鹽旣立法而未下方平入問曰河北再權鹽何也仁宗驚曰始立法非再也方平曰周世宗權河北鹽犯輒處死世宗北伐父老遮道泣訴以鹽課均之兩稅而弛其禁世宗許之今兩稅鹽錢是也豈非再權乎仁宗大悟曰卿語宰相立罷之方平曰法雖未下民已知之當以手詔罷仁宗大喜命樞密撰手詔下之河朔父老相率拜迎於澶州爲佛老會七日以報其恩

司馬光字君實夏人攝掌韋城縣事政聲赫然民甚稱之

摯字公儀知滑州歲修河調丁壯伐灘葦摯以疲民奏請州兵伐之一夕報河決摯率官僚督兵夫完堤忽見一曰鬚老人載稽稗一舟往來佐助及水定天明命吏請之老人不復見人以摯之誠感致焉

李之才字挺之青州人天聖八年進士爲人樸直坦率自信師河南穆修受易修之易受之种放放受之陳搏源流最遠圖書象數變通之妙秦漢以來鮮有知者初爲獲嘉主簿權共城令有治行時邵雍隱居苦學於蘇門山百泉之上布裘疎食躬爨以養父之才叩門來訪勞苦之曰好學篤志果何似雍曰簡策之外未有適也之才曰君非迹

衛輝府志

卷二十八

名宦

十八

簡策者其如物理之學何他日則又曰物理之學學矣不有性命之學乎雍再拜願受業於是先示之以陸淳春秋意欲以春秋表儀五經既可語五經大旨則受易而終焉其後雍卒以易名世之才器大難識棲遲久不調或惜之曰宜少貶以圖榮進石延年獨曰時不足以容君曷不去之再調孟州司法叅軍友人尹洙以書薦於中書舍人葉道卿因石延年致之曰孟州司法叅軍李之才年三十九能爲古文章語直意邃不肆不窘固足以蹈及前輩非洙所敢品目而安於卑位無仕進意人罕知之其才又達世務使少用於世必過人遠甚道卿薦之得改大理寺丞爲

緱氏令未行會延年與龍圖閣直學士吳遵路調兵河東
辟之才澤州簽署判官澤人劉羲叟徒受歷法在 殿

中丞 五年卒

李 人神宗時知諫院上疏論王安石新法之害無
異王莽觸帝怒落職通判滑州留意政事民懷其惠

韓綜億之子知滑州有德政民甚懷之

王詔字景獻知滑州屬縣有退灘百餘頃歲調民刈草給
河堤詔募民佃之而收其餘

傅堯俞填城人神宗時御史以力論新法貶黎陽監倉郡
守欲檄他官代理辭曰居其官安可曠其職卒不聽雖寒

衛輝府志

卷二十八

名宦

十九

晷必至庾中治事後召爲秘書少監

魯有開亳州譙人熙寧中知衛州時水災人乏食擅貸常
平倉粟與之且乞蠲其息

劉摯字莘老元豐末知滑州有惠政

豐稷字相之明州鄞縣人神宗時爲封邱令封附畿內素
苦權要請託稷不峻拒之第直其情取平於法不以人爲
重輕人亦無敢干以私者吏民畏愛之人名宦

石公弼字國佐越州新昌人舉進士徽宗時爲衛州司法
叅軍淇水監牧馬逸食人稻爲田主所傷時法令至密郡
守韓宗哲欲坐以重辟公弼言但當懲園者民不可罪卒

如其議

陳瓘字瑩中南劍沙縣人知衛州專以仁慈及民庭無訟兩被內除皆辭不就

邵博字陽淑陽羨人大觀間爲新鄉令才穎廉利吏人在庭若履冰上期月庶政畢舉巡視北郊至衛河見民病涉殫心籌畫創建石橋事成而役不擾民思其惠名曰邵公橋至今利賴之祀名宦

鄭驥簽書衛州判官有善狀轉運使劉從德表薦之進一官

許逖歙縣人以獻策召試汲尉汲人詣京師請逖爲令遷

衛輝府志

卷二十八

名宦

二十

秘書省校書郎知縣事數上書言事皆切時政後徙江平令被薦拜太僕寺丞歷官員外郎

燕度字唐卿青州益都人登進士知滑州滑與黎陽對境河埽下臨魏都霖潦暴至薪芻不屬度曰魏實爲河朔根本不可坐視成敗悉以所儲芟槌禦之埽賴以不潰
王沿字聖源大名館陶人少治春秋登進士知滑州增屯兵城中隘甚乃築西關城五里

方元修唐處土方干之後政和間通判濬州有詩名

孫輔爲黎陽尉盜賊屏息嘗屈已訪陽翟杜生杜因以

聞

高繼勳字紹先以天雄軍都總管知滑州河水暴溢齧堤岸勳雖老躬自督役露坐堤上晝夜不輟水乃殺滑人深德之

趙世長知滑州軍事有惠政

何宏 字定遠宣和二年舉武進士第二調滑州韋城尉汴京被圍州郡多避走獨韋城不下宏中天性忠勇鮮出其右後以力盡被虜金太師昭刺誅以利害不從將斬之宏中談笑就死卒憐其忠歸之居家自號通理先生述懷詩云馬革盛尸每恨遲西山餓踣更何辭姓名不到中興歷傳與皇天后土知

衛輝府志

卷二十八

名宦

二十一

李若谷字子淵徐州人知滑州愷悌愛人河決韓村堤夜馳往督兵爲大埽至旦堤完旣去民思之

杜金吾滑州刺史有惠政

金

孟奎字元秀遼陽人大定間進士爲汲令有廉名時平章政事完顏守貞禮接士大夫在其門者號冷巖十俊奎其一也

張籛大定時爲新鄉令二十八年二月以河水入城閉塞救護有功與縣丞唐括唐古出主簿温敦俛 俱遷賞有差

王維翰字之翰利州龍山人登大定二十八年進士明昌

時由永霸令遷獲嘉佐胥持國治河決有勞改北京轉運判官歷陞工刑二部尚書拜叅知政事貞祐初 爲定海軍節度使元兵至與妻姚氏俱死難

蒲察鼎壽本名和尚上京 速河人歷蠡州刺史濬州防禦使有惠政兩州百姓刻石 之

李好復安喜人明昌二年進士爲榆次令有能聲後爲滑州刺史不替 初

高守約字從簡遼陽人大定間守滑臺善人倫鑒慎許可疾惡太甚人多畏而妬之後移刺景州亡於陣

張洵字仲仁以律學進好讀書尤善內典初爲廷尉後出

衛輝府志

卷二十八

名宦

二十二

守白馬屢鞠大獄辯活者衆以兵變城陷赴井死

苑中字極之大興人承安中進士累官京西路司農少卿滑州刺史好賢樂善有古人風

王泉字巨源少慷慨有志膂力絕人後遷廣威將軍同知滑州諸軍事會北兵亂興元光秋戰於白馬西泉臨陣奮擊斬獲七千餘人捷聞詔加昭武大將軍滑州刺史繼授鎮國上將軍濬滑開三州招撫使北兵每至相戒曰小黑戰甚銳其鋒未可輕挫泉面鐵色故軍中目之卒年四十

一

元

陳祐趙州寧晉人世祖時爲衛輝路總管衛當四

號稱難治

法令廉介公正創立孔子廟修比干墓且

請於朝著爲祀典尤有惠政及民旣去民思之如父母爲

立碑頌德

董文用字彥材眞定藁城人世祖時爲衛輝路總管佩金虎符郡當衝要民爲兵者什九餘皆單弱貧病會初得江南圖籍金帛之運不絕於道衛輸輓日役夫數千人文用憂曰吾民敝矣而重妨耕作殆不可言於運主州縣吏卒足以備用不必重煩吾民主者曰汝言誠然萬一有不虞則罪將誰歸文用卽手書具官姓名自任之民得以時耕而

衛輝府志

卷二十八 名宦

二十三

運事亦不廢時又議通沁水東北合衛河以便漕運文用曰衛地最下每大雨沁輒溢出今若通之則與大名俱沒矣會遣使相地形上言衛城浮圖最高纔與沁水平勢不可開也事遂寢在郡多善政民爲立去思碑

王昌齡字顯之滄州人世祖時守衛輝路政務平恕才行相輔人以中行稱之甫下車百姓流移者旋復本業初衛自兵燹以來民之耕植者多居郡東而泉水自鄘城而東流滙於淇水每歲值秋潦輒溢至金隄田廬爲之一空昌齡乃築堤黑蕩坡以禦之其患遂息又清水出輝縣山陽鎮以入衛河昌齡因度原隰創濬溝澮溉田數百餘

在任八年惠化大行衛人德之如戴父母仕至御史中丞及卒葬汲縣親仁里王惲作墓銘百姓爲立祠肖像奉祀之子復克同知衛郡亦多惠政云

塔必迷失系出瀚海大族至元三年爲衛州路都監以衛壤褊狹路當衝要使輶營帳騷屑無時乃詳陳懸養保障之方上於國分辨主宰用濟民勞七年河朔大蝗衛獨不災人以爲德政所至云

王珍衛輝路總管以廉自持一毫不苟且及卒囊無餘資人甚稱之

陶師淵嘉平人至元間爲衛輝路教授學博行飭敷教有

衛輝府志

卷二十八

名宦

二十四

方諸生感服

劉秉直字清臣大都武清人至正間爲衛輝路總管以經術治民更新庶務咨詢民隱一郡大治汲人劉聚死於盜爲禱於城隍盜果獲民稱頌之

韓澍上谷人至元間爲汲縣尹敷教課農勞心民事百姓非農隙不許入城市躬閱勤惰以爲賞罰遇旱裁決淹獄以消沴氣及虔禱蒼山神靈雨屢應隣邑被蝗獨不入汲境民歌頌之後 郎中

李璋襄陵人至元間爲新鄉尹以廉明稱蒞政

鱗集剖決如流監司嘗委以疑獄悉辨明之境內大治

去民爲立德政碑

劉理南宮人至元間爲新鄉尹嘗出資修學均平賦役
絕私謁獄訟無留百姓蒙惠秩滿民爲刻石記之

李思敬齊東人泰定間爲新鄉主簿時值歲飢上遣使檄
其縣帑賑濟他邑思敬請曰吾邑亦飢使憫其誠悉留帑
賑濟民賴全活具言於朝獲蠲秋租至順初又歉且蝗思
敬設法捕之遂獲有秋

司仁字毅夫東原人至元間知輝州增飾學舍敦禮師儒
選秀民充弟子員復設鄉學以教之暇則督勸耕桑民獲
庶富時稱賢守云

衛輝府志

卷二十八

名宦

二十五

蕭達遼人初從元征西夏餽餉有功授輝州達魯花赤察
民隱賑貧乏抑豪強剔吏蠹政平訟理民賴以安至元間
卒於官署葬北王社

尙文字質夫深澤人任輝州守時河朔大旱輝獨以禱得
雨境內大稔懷孟民馬氏宋氏誣伏殺人積歲獄不能
提刑使者命文往讞推迹究情得獄吏羅織狀兩獄皆
夏文仲字彥明金鄉人至元間判輝州廉介有守門無
謁鷄鳴視事日晡始退察弊政悉更張之約束吏胥
民隱修傳舍禁游惰謹巡防盡心民事故雖元李搶攘
民賴稍安時稱賢有司馬

楊 字和卿滄州長蘆人延祐至治間知輝州事賦性敏於從政公勤廉恪瘠已腴民豪宕不羈有燕趙義士風而能循守禮法政有成効以外艱去民思慕之杜良字仲賢濮陽人天歷初知輝州事適寇侵鄰郡輝民驚擾良曰勿自亂我能庇爾衆俄聞寇潰闔境帖然又能察吏弊使不得逞政教大行因歲歉走泣中書省請粟以賑民民甚懷之

阿昔脫憐朔方畏兀部人至元中爲獲嘉縣達魯花赤初至適歲旱齋戒禱於神祠乃大雨秋多蝗脫憐禱於天蝗皆南飛不入境遂大稔至元二十年夏六月靈潦水溢築

衛輝府志

卷二十八

名宦

二十六

堤障之民 溺後遷河南按察司僉事邑人立石以永去思

奴丁字德新哈刺魯人爲宛平宰至正十三年春來監獲嘉時永齊橋將頽奴丁鳩工修之爲石梁至今民賴以濟周惠字德甫隰州人至元間擢江淮行臺都轉運使置於胙道出朝歌愛其沃壤慨然有墾闢之志後人覲以病上之朝詔以彰德衛輝大名漏版戶五千實焉免徵租三年易號淇州特勅公領辦其事於是任賢能申令設官衙建倉庫立市集百姓耕牛田器貧不能自置者仰給於官躬親區畫畧無倦色自是四方願受廛者

踵而至鷄鳴犬吠達乎四境公念既庶且富不可無教遂建孔廟立學師以教士子不五載而內外修治井井可觀以荒廢之墟化爲樂國皆公建白興造之力也卒於官封嚙國公淇人感其德立祠祀焉入名宦

黑么字仲謙蒙古人官於淇州廉平仁恕政多惠愛既去民爲立碑建祠入名宦

李稷字孟豳滕州人泰定中授淇州判官淇當衝要公至能理其劇歲大飢告於朝請賑濟民得以甦淇民深感其惠入名宦

鞏顯祖河陰人初由汴梁路總府典籤二部掾會都廷經
衛輝府志

卷二十八

名宦

二十七

理五臺名剝命公董役工竣陞從仕郎延津令公力除舊弊謝去苞苴杜絕請託公庭肅然延當梁衛之衝使者旁午供應紛沓公創爲區畫定時估以酬民值實從悅而吏胥不擾歲飢勸富室以貸貧民流離四方者招之俾復其業增崇泮宮及東西兩廡極金碧璀璨又能謹庠序擇師以訓生徒絃誦之音相望百里民劉淵爲家資爭訟五年王成有楮幣一千五百緡爲家人所匿公陰察于衆皆以片言而決人號神君商賈行旅往往爲篙師所苦公廉得其實咸實之法自是無敢作梗其敏才潔守節用愛民修廢舉墜爲一代循良之最祀名宦

王良弼東里人明敏剛介泣事風生課農勸學革弊安民
府委理新鄭李仲良告徐尹威逼父死能得其實歲旱祈
禱卽應祀延津名宦

齊克中易州定興縣人由扶溝主簿擢延津令時值河患
淤沒民田賦額未除民甚苦之力請免徵居四年田野闢
賦役均政平訟理後擢任時民感泣有截鐙之意

王英宏州人至元間爲胙城尹剛明正直訟理政平疾惡
詰奸不通請謁秩滿民爲立去思碑

鄭棟字士隆泰定丁卯爲胙城尹教民區種栽植桑棗延
師立庠俾教子弟在任數年政平訟簡盜息民安有去思

衛輝府志

卷二十八

名宦

二十八

碑

石仲傑泰定間爲胙城尹時方徙縣於華里店營建墾闢
條畫悉當隣邑延津蝗蝻遍野將入境仲傑虔誠祈省蝗
不爲害明年又旱復禱於神雷雨大作歲以豐熟

姜師望成安人至正間爲胙城尹有能聲勸農興學均賦
平訟庶政畢舉百廢俱興積年之獄立爲剖斷人服其明
李守禮至治間爲胙城主簿政事勤敏吏民畏服上官聞
而避之旣以縣及隣邑停留五十餘事委之守禮皆研究
精審情理得當而決遣之三載職滿民不忍別

速哥察理西夏人也器識英邁馳驟勁銳應變赴急奮不

顧身累功授濬州達魯花赤時軍旅數興中外徵需頗繁
重戶漸凋耗察理力爲愛撫綏教養久之與濬民相安不
忍去買田築室黎陽山下治生教子閒居二十年卒封魏
郡伯葬黎陽山南

張文瑞眞定人初從軍以文史自隨同知濬州事首葺廟
學作興士類子淵亦知濬州事敏於政課士勸農有父風
李好文字惟中大名東明人登至治元年進士第授濬州
判官累官翰林學士承旨

劉友諒字貞一至治元年知濬州下車訪察利弊修舉廢
墜六事俱興大定二年冬得代去百姓懷之爲立碑頌入

衛輝府志

卷二十八

名宦

二十九

名宦祠

康若泰字魯瞻泰定進士授濬州判官下車視事門無私
謁務盡公勤天歷二年歲大飢民食缺公惻然乃召富家
宴集募之遂得粟二千石以給貧民禁止橫斂民賴以安
入名宦祠

王士元字堯佐恩州人泰定四年進士累官知濬州州濱
黃河常經盜賊城牒不完市井空虛士元患之力爲整頓
至正十七年賊復逼濬兵悉潰士元坐堂上顧子致微使
避賊曰吾守臣居此職也若則可逃子涕泣抱士元不去
賊至問曰爾爲誰士元叱曰我王知州也強賊識我否賊

欲縛士元士元及子奮拳毆賊賊怒并殺之入名宦
李英襲叔父宥爵以宣武將軍知滑州會歲飢率州民見
世祖請蠲其賦滑隸大名遠二百里轉餉不便請儲本州
政通民信爲當時重

李禎字瑞卿燕之世家也由長林來貳白馬下車之曰政
行人悅滑邑感之未逾歲捐出已財買地以置縣學明偷
堂東西齋無不周備而勸導邑人各置義學識者謂知爲
政之本

孟處中字居正知滑州有水蘗聲人稱美焉

李茂元統間爲考城縣尹重修文廟創建兩廡置備祭器

衛輝府志

卷二十八

名宦

三十

詳學宮碑記

明

安祥華州人洪武中任通判介潔有守政多平恕以公奉
法人不敢干百姓誦之升戶部員外郎

熊邦基洪武三年任獲嘉令時中原新定城社未立戶口
土著不滿百閭井蕭然邦基招集遷民宣上德意商度地
勢築城建社與之更始次第創學宮建官署郵傳踰年而
役竣蕪廢一新聿成縣治至今享其成焉

胡南溟洪武間任新鄉令時當草創從容區畫如無事

邑大治以政最遷

王讓湖廣江陵人洪武初爲新邑主簿撫流移課農桑修廢舉墜政行化洽民德之祀名宦

李驥字尙德郟城舉人洪武間授戶科給事中坐事免建文時薦起新鄉知縣招流亡給以農具復業者數千人內艱去官民相率奏留者數四不許服闋改知東安擢刑部郎中歷御史授河南知府

曹睿山東兗州人洪武間任新鄉令祀名宦

項如英浙江仙居人洪武初除知濬愷悌愛人政修事舉入名宦

姜彬字公直濬縣人洪武初舉明經爲本縣學訓導九年

衛輝府志

卷二十八

名宦

三十一

課最陞興國州知州又五年朝京朝廷優其老賜宴賜衣放還鄉里榮之

葉子安溫州人洪武乙卯由國子生選濬學訓導祭酒宋訥先生稱之曰子安之爲教也本于德行之實不外于禮樂射御書數之文可謂善教矣濬人知向學自子安始丁巳召還京

劉紹江西瑞州人洪武庚戌爲延令興學勸農教民開地栽植桑棗縣多榆柳荆棘民有爭訟及情農者罰斫輸之官以修鬻宇教民織紵每戶一口月織布二疋點視還不率教者罰之自是地闢事理訟簡政平歷

三載有循良風焉

張宗海南直隸溧陽縣人秀才洪武四年任封邱縣丞適兵燹之餘民多流移留心招撫不踰年復業者千餘戶自是戶口日增田野日闢陞寧陵知縣入名宦祠

諸宏道浙江金華人以人材進洪武七年令滑時縣治初改凡有創建皆身先之招撫流移優恤窮弱興學勸農激勵風俗至今稱焉後擢監察御史

趙繪山東東阿舉人洪武年任延津聰敏公廉詳達民情戶口貧富悉知其詳役賦均平民受其賜

張俊山東益都人洪武末任汲縣爲政精敏能發吏胥奸

衛輝府志

卷二十八

名宦

三十二

弊民有怠於農事者躬督課之賦役親驗版籍務得均平暇則親詣學校鼓勵生徒既去士民追慕之

李麟字天瑞山西長子人永樂中任輝縣知縣勤政愛人知民疾苦雙溪橋久圯往來病涉乃以石爲之復建鐘樓興廢舉墜嚴飭條約革吏胥侵漁之弊民得以安

陳傑字彥英江南吳縣人永樂中進士釋褐行人尋遷刑科給事中性侃直以言事忤旨改令獲嘉爲政不事苛察專持大體更繇征繕稍不急者悉捐之民安俗樂鄉長老經歲不涉縣庭邑大治超擢平涼郡守獲民德而祀之董愷順德府內邱人永樂二年任淇縣知縣宅心仁厚不

尙刑威蒞事公明不徇請託興學勸農均役平賦以
淇民思之立碑建祠入名宦

牛衡直隸海州人永樂中任胙城清慎有爲勤于撫字暮
年之間民無游惰盜賊屏息置文廟祭器祀名宦

王士廉永樂時知濬縣事十七年濬蝗廉齋戒率僚耆禱
八蜡廟以失政自責越三日有鳥數萬食蝗盡皇太子聞
而嘉之顧侍臣曰此誠意所格人患無誠耳苟出于誠何
求而不得乎

熊誤南昌永樂初除濬庠諭教規嚴密誨人不倦士習丕
變三年盧茂登第邑士中甲科自此始九年諸生共保留

衛輝府志

卷二十八

名宦

三十三

之陞府教授

葉宜字守義福建南平人宣德中任知府政術精敏振勵
有爲作學宮及郵驛譙樓煥然修舉德勝橋初構木爲之
創易以石行者稱便其諸興廢舉墜聲績甚著陞浙江叅
政

許宣宣德間任新鄉沁水潰決邑處下游水深成河築堤
以防不能捍禦因請堅築決口俾由故道旣蒙俞允成保
障之功

孫述順天宛平人由監生宣德十年任獲嘉縣丞廉潔持
已惠澤及人陞太僕寺寺丞

王素字繪之四川洪雅人以鄉舉令潛山移知新鄉縣
威愛交克誨士不倦及大比入覈者四人一時稱盛值大
水衝決伐木具舟所全活無算有巨盜近畿殺人□□中捕
獲之械至京進六品俸陞階州知州民爲立碑祀名宦

王政順天人景泰間任新鄉祀名宦

李義北直保定人景泰間任新鄉祀名宦

侯麟景泰間任新鄉祀名宦

張拱南直壽州人景泰間任新鄉素性仁慈政尚寬儉人
有過當答者但喻以理終不忍鞭箠去後民謳思之祀名
宦

衛輝府志

卷二十八

名宦

三十五

李實直隸豐縣人進士景泰三年爲滑令資性鯁介不私
不諂

薛良字宗順直隸和州人由舉人景泰四年任獲嘉令持
已清慎御下嚴明四載以憂去民思之立祠祀焉

邢表字居正順天文安人由進士天順四年任獲嘉令持
身廉謹治政公勤陞彰德府知府尋改衛輝府明敏廉慎
興學勸農謹河防新傳含救荒弭盜百廢具舉歷任山東
叅政布政四川巡撫

段讓字遜之山西洪洞人由舉人天順八年任獲嘉諭刻
勵進修勤懇造士秩滿陞陝西高陵知縣

陳安山東武定州人舉人天順六年知滑縣事和易處事愛民如子承荒歲後民多疫疾出俸施藥全活甚衆

張咨山東商河人成化中任知府平易近民政務寬厚先是郡庠乏科首敦教化督勵生徒日稽月試甄別勸懲自是人才輩出科第稱盛後遷運使

王儼字民望湖廣華容人成化中任知府行政寬簡不事煩苛興學勸士教化大行一時人才多所造就清稽田土侵匿悉釐有利害切於民者汲汲然日興除之循良之政遠邇稱焉陞河南叅政去民爲立石歷官總督右都御史戶部左侍郎

衛輝府志

卷二十八

名宦

三十六

徐昌嘉祥人成化中仕府學教授施教有法集群士之彦者加意訓迪士類翕然科目彬彬視昔爲盛

王文解州舉人成化間任汲縣教諭性嚴毅沉默雖盛暑必衣冠非公事不謁公府有古君子之稱

鄭福字伯祥眞定深州人成化己丑由監生任獲嘉令拜命卽單車至縣清慎自持興利除弊三年政清刑平考績居最將遷去獲民懇留遂久任至八年中丞原公撫秦行部至金州見其民凋瘵甚思爲易賢守原嘗撫河南知福德政遂露章薦爲金州守去後邑民追思之爲勒去思碑吳裕字天宏京衛人成化辛丑進士授獲嘉令爲政務寬

力拯凋敝歲歉民飢亟爲賑濟立條教以善民俗禁喪葬
無作佛事增新學校誨誘諸生歷任六年擢監察御史陞
河南提學僉事歷官刑部左侍郎卒贈刑部尚書謚端毅
所著有執齋文集二十卷

顏頤壽字天和湖廣巴陵人宏治中任淇縣知縣蒞官勤
慎誠心愛民甚有惠政擢監察御史民感德立祠祀之歷
官尚書入名宦

劉台巴縣進士宏治時任濬縣能識治體剖決如流郡獄
多委決焉官至叅政

郭東山掖縣人進士宏治時任濬縣嚴明善鈎距巨奸極

衛輝府志

卷二十八

名宦

三十九

巧無能遁情舉事計定卽行人莫揣摩當煩任劇談笑處
之裕如也官至叅政

王憲東平州人進士宏治七年自阜城縣知縣調滑邑嚴
毅自持以扶善鋤強緩賦均役爲政去後人立碑頌之擢
監察御史累官至兵部尚書總督三邊

刁嶠鄆城人舉人宏治間任滑庠諭力學勤教無間寒暑
士子至今稱之

張鳴鳳山東清平縣人進士宏治十七年任滑縣起敝

衰邑事振舉擢順天府推官

